

### 否認懷孕 歡迎邀拍劇

湯洛雯（靚湯）、黃庭鋒、傅嘉莉與張寶兒等昨出席無綫賀歲劇《富貴千團》宣傳活動，靚湯透露於劇中有不少親熱戲，當中有一場與黃子恆的激咀戲，當時未是老公的馬國明竟然迴避不肯觀看，好明顯呷醋！

■黃庭鋒與湯洛雯指《富貴千團》劇情瘋狂，必令觀眾捧腹大笑。

# 靚湯親熱戲 馬明冇眼睇



□傅嘉莉獲眾多粉絲撐場。



□張寶兒被讚以擺檔。毛筆字靚到可。

湯洛雯與黃庭鋒表示《富貴千團》於2021年拍攝，雖然相隔多時，但由於劇情瘋狂，故記憶猶新，靚湯說：「入面有SM同學生妹之夜。（你扮學生妹？）唔係我，我趕客咩！其他演員着得好大膽同性感，好專業。」提到庭鋒在劇中不乏除衫騷肌鏡頭，他笑言：「我要着SM嘅衫露兩點，靚湯仲問播唔播得出街。」

靚湯透露最大膽的場口是主動勾引黃子恆及接吻，該劇之前在收費台播出，當時仍是男友的馬國明刻意不看該場口：「佢唔想睇，話冇乜必要睇。其實我拍嗰陣好大壓力，因為講我主動去勾引黃子恆，呢方面我冇乜經驗。（搵馬國明試戲？）我現實中被動啲，所以拍攝時有啲尷尬。好彩子恆好有紳士風度，拍攝時感覺舒服。（馬國明知唔知再播？）佢知，到時

我會叫佢入廚房煮湯圓。」靚湯否認該劇是「封咀」之作：「我唔介意拍，但個程度唔好太誇張，佢（馬國明）都有拍啦。如果劇情需要我有所謂，不過好誇張嘅話都要問吓佢，要尊重對方。」她強調沒說過婚後不拍劇：「我係好想拍劇，歡迎大家搵我。可能啲人以為我有咗，所以唔搵我拍，我係冇懷孕。」問到會否趁蛇年努力造人？她乘機投訴老公：「佢仲忙過我，度蜜月都未呀，我要等佢個期。」

### 張寶兒險被詐騙


張寶兒與傅嘉莉於活動上用毛筆寫揮春，寶兒被讚字靚可以在黃大仙開檔。傅嘉莉透露於劇中飾演詐騙集團成員，但現實中險被騙：「有次收到個電話，佢講得出我全名，佢話我啲社交網發表咗啲敏感言論，要約我

出嚟見面。我當時係信，但因為太忙，約咗兩次都約唔成，後來先發現有問題。」張寶兒亦自爆前幾日遇上詐騙：「我收到一個冒充國際大品牌嘅電郵，話想同我合作。個電郵好專業，我有將自己啲資料畀佢，後來佢話寄啲嘢畀我放社交網，但擔心寄咗畀我後，我唔放上網，所以我承擔部分運費，去到呢度我就覺得有啲問題。於是我向品牌求證，發現原來之前收到嘅電郵係詐騙。」

## 祖兒專誠捧場 朱康開心到腳軟

賀歲片《祥賭必贏》前日舉行名人優先場，主演蔡卓妍（阿Sa）、張繼聰、朱栢康（朱康）和吳家忻等出席造勢，吸引容祖兒、蔡一智等捧場，氣氛熱鬧。阿Sa相隔多年再拍港產喜劇，好姊妹祖兒當然要來支持，不過阿Sa笑指祖兒今次順道來捧朱康場。三人合照時，朱康竟怕醜仔上身，更大喘腳軟！入場後，祖兒在觀眾席舉起手機拍朱康，阿Sa大叫：「我同祖兒都覺得朱康好靚仔呀！」

阿聰受訪時表示：「今日第一日做謝票，我哋謝咗8場票。」阿Sa則說：「未試過咁好玩，因為有阿聰嚟度，淨係聽佢講嘢都值回票價，我哋係全新嘅組合。」阿聰隆重介紹由兩人的英文名Louis加阿Sa組成的組合：「Louisa！因為我去台北做嘢，見到Louisa咖啡啲，我哋可以組組合啲。（會唔會唱歌？）但我哋冇嘢做嘍，空殼公司。」阿Sa笑言謝票時可用此組合名。



■與祖兒（左）、阿Sa合照的朱康硬晒軟。

■古巨基罕有跳舞，昇足面陳慧嫻。



## 基仔 幫慧嫻監製新歌

古巨基擔任陳慧嫻40周年演唱會嘉賓，基仔甫出場令現場觀眾興奮起來，慧嫻忍不住問大家是否沒想過她找基仔做嘉賓：「其實我哋係好朋友，會傾心事。」並重提多年前兩人的對話：「好多年前你同我講好想幫我監製唱片，我依家問番你點解咁嘅？竟然對我有興趣？」基仔笑言：「嘩，你記得呀？因為我有做監製。我哋場內有一萬人對你有興趣啲，點會係『竟然』呀？」慧嫻再三追問基仔是否會幫她做唱片監製，基仔即點頭答應說：「下次慧嫻錄新歌就係由我監製。」

## 江欣燕參加《新秀》為追星

阮兆祥、梅小惠與江欣燕合作主持無綫全新節目《友乜唔講得》，邀得曾志偉、汪明荃、黃百鳴草蜢、陶大宇等任嘉賓，齊齊話當年。原來祥師兄與欣欣讀中四時已認識，當時兩人的外號是「學界陳百強」與「學界梅艷芳」。問欣欣如何發現自己似梅姐？她笑言：「有日喺屋企睇睇吓電視，覺得佢把聲好得意，然後就噴？我都得啲。」她坦言當年參加《新秀》只為追星：「我係因為阿梅參加《新秀》，太鍾意佢！當年演唱會百幾蚊張飛，但新秀報名費只係50蚊，我就可以見佢，好抵！」



■梅小惠（左）、阮兆祥與江欣燕感情要好。